

**TLANAWATILKAYOTL KENIHKI MOTLAPEHPENIS TLEN NOPA CONSEJERÍAS DISTRITALES
WAN MUNICIPALES ELECTORALES ?IPAN TEKICHIWALISTLI ELECTORAL LOCAL
CONCURRENTE 2023-2024**

**?amochtli ?axtopan
Tlanawatilistli tlen nochimeh**

Tlanawatili 1

Ni tlanawatilistli ni nochimeh kimatiseh, nochimeh kitlachiliseh wan ?ipatih ?ipan Xal?ixko Weyi ?Altepetl wan ?itekih tlasenkawas kenihki mochihtiyas ?ahkeyawantih kinekiseh motekitlahtlaniseh ?ipan ni consejerías distritales wan municipales electorales ?ipan ni Tekichiواني Electoral Local Concurrente 2023-2024 ?ipan Xal?ixko ?Altepetl.

Tlanawatilistli 2

Kanpa motlachilis ma neliya kitlepanitah tlen motlahtlaniya ?ipan ?amochtli constitución wan sekihnok ?amatlanawatilistli, wan nohkiya kenihki motlachilis wan motlapehpenis se kwalli tekitiketl ?ahkeya ?itstos ?ipan consejos distritales electorales wan consejos municipales electorales, ni tekichiwalistli mochiwas kenih:

- I. ?onkas se ?Amatlayolmelawalistli
- II. Mo?amatlaliseh tlen motekitemowah
- III. Mosentilis wan motitlanis ?amatlasekotilistli ?ipan Consejo General, wan kemantsi ?ipan consejos distritales.
- IV. Kineltlahtlachilis nopa ?amatlasekitilistli ni Consejo General wan kemantsi ?ipan consejos distritales;
- V. Kikwaltlaliseh wan kitlahtlachiliseh nopa ?amatookayotl tlen tekichiwalli mochiwasneki;
- VI. Kintlapehpeniseh tekichiwaneh wan tlatsintokilistli;
- VII. Mosekotilis tekitl wan mo?ahkokwis ?ahkeyawantih panoseh.
- VIII.

?Amochtli ?Omepan

Mo?amatlaliseh tlen motekitlahtlaniliyah

Tlanawatili 3



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

¿Amatlahtlistli tlen motekitlahtlaniyah tlakameh ¿ahkeyawantih kinekih ¿ixnesiseh kenke consejeros distritales electorales wan consejos municipales electorales, ¿ipan ni Tekichiwalistli Electoral Local tlen sanseho mochiwa 2023-2024, mochiwas wan wehkawas kenihki mo¿amatlaltok ¿ipan ni ¿amatlayolmelawalli.

Nochi nopa ¿amatl tlen motekowis ¿ika mo¿amatlalis tlen ¿ahkeyawantin kinekih ¿eliseh consejeros distritales electorales wan consejeros municipales electorales nochi mopantis ¿ipan ni ¿amaxayaktepos¿amochtli ¿ipan internet tlen ni kaltekichiwan www.iepcjalisco.org.mx, wan yanihi moneki:

- I. ¿Amatlahtlanilistli kanpa mo¿ihkwilos tlen ¿ahkeya motekitlahtlaniya.
- II. ¿Amatlasenkawalli kanpa tematiltis tekitl tlen ki¿ixmati
- III. ¿Achitsin tlahkwilolli tlen titekichihtok
- IV. Tlahkwilolsenkawalli, kanpa melawak ki¿ihtos, ¿axkemah mitstlatsokwiltihtokeh ¿ika se tlakwalankayotl, o tla mitstlatsokwiltihkeh panpa mokwapolohkeh; ma ¿ax¿ixnesi mitstlatsokwiltihtokeh ¿ika se política tlakwalankayotl kanpa kin¿ixpanotok siwameh; ma ¿axnesi titlawika ¿axkinmakatok tlakwalistli o tlaxtlawili ¿ahkewayantih tikinmokwitlawiya, wan tla ¿ixnesis moneki titematiltis ¿ika ¿amatl nochi xitlawak tiya; ma ¿ax¿ixnesi tekiti o tekititok ¿ipan se kaltekiwichiwani kanpa mitstekowihkahkeh, moneki panotos ¿eyi xiwitl tla kineki motlahtlanis ni tekitl; ma ¿ax¿ixnesi tihtemo ti¿elis candidata o candidato ¿ipan se tekichiwalli moneki panotos ¿eyi xiwitl tla kineki ni tekitl; ma ¿ax¿ixnesi tla titlayekanketl nacional, estatal o municipal tlen se partido político moneki panotos ¿eyi xiwitl; wan ma ¿ax¿ixnesi mitstsakwilihtokeh o ¿axmitskawiliyah xiseli se tekitl federal o local.
- V. ¿Amatlahkwiloltlasenkawalli wan kena welis motekowis.
- VI. Tlakwilolpamitl kenihki kineki ma ki¿ixmati ¿ipan ¿inemilis wan ¿itlakayo.
- VII. ¿Amatlahkwiloltlasenkawalli.
- VIII. Tlayolmelawali tlen pilkentsin nemiliskayotl

Tlanawatili 4

Tlakameh tlen kinekih nopa tekitl moneki temaktiliseh nopa ¿amatlahtlanilistli kanpa mo¿ama¿ihkwilohtokeh wan nopa ¿amatla tlen motlahtlaniyah ¿ipan ni teposmekatl Estatal tlen Registro tlen Consejeras wan Consejeros Distritales wan Municipales¹, wahka mo¿ixmatiltis se ¿amatlayekanalistli kenihki timotooka¿ihkwiloseh, nihi welis mopantis ¿ipan xayak¿amoxitli tlen internet tlen ni Kaltekichiwan.

Tlanawatili 5

Kemah mo¿ihkwilohkeyah, tlakameh tlen motekitlahtlaniyah kin¿asis se tlayolmelawalli ¿ika ni teposmekatl tlen Kaltekichiwan Electoral kanpa kinyolmelawas kiselihkeh ¿inin¿ama; wan nama poliwi ma kitlahtlachili ni Secretaría Ejecutiva.

¹ Moixmatis kenihki Sistema



Ni Secretaría Ejecutiva kipiwas makwilli tonalli kanpa kitlahtlachilis, tla pano, ka kena kipixtohka nochi tlen motlahtlaniya o tla monekilis seyok tlamantli, wanka yawantih tematiltiseh, mochiwas ?ipan ni teposmekayotl, wan kititlaniseh se tlayolmelawalli ?ipa ?iteposmekatlanohnotsal tlen temakatokeh.

Tlanawatilistli 6

Kemah mosenkawas, ?amatl tlen motlehkoltitok ?ipan teposmekayotl nochi motsakwilis, ?axwelisok ki?oliniseh yon kipatlaseh yonse ?amatl.

Tla se ?amatl tlen nopa motlehkoltitok kipolowa se tlahki, ni Secretaría Ejecutiva, ?ika ni teposmekayotl, tematiltis ma kikwaltlalikah wan kipiaseh san ?omepowalli wan chikweyi kawitl, pewas mopowas kema tematilti kinyolmelawas, wan tla ?axkan moneltokilis, mochiwas seyok tlayolmelawalli ?iwikal kawitl, wan tla ?axkan tlanankiliyah ?ipan nopa kawitl wan ?axtemaktiliyah tlen motlahtlanilyah, wahka nopa ?amatl ?axkemah motemaktili.

?ipan ni tekittl tlen ?ahkeyawantin kintlahtlanilyah weliseh tlatlekoltiseh ?ipan teposmekayotl tlen kintlahtlanilyah ?amatl.

Tlanawatilistli 7

?Ahkeyawantin kinekih tekitiseh kenihki consejos distritales o consejos municipales electorales, wahka weli kalakiseh ?ipan ni Teposmekayotl kema sanok momoyawas ni tlayolmelawalistli.

?Axmoselis ?amatlahtlanilistli wan sekihnok ?amatl tlen kipolowa tlamantli, yon ?axmoselis tla panohka tonalli wan kenihki moneki motitlanis, yon nohkiya ?axmoselis ?amatl tla motitlanis sehkoyotl tla ?axpan ni Teposmekayotl 'Sistema'.

Tlanawatili 8

Nochi tlayolmelawalistli mochiwas san ?ipan ni Teposmekayotl.

Tlanawatili 9

Nochi mo?ixpanextis ?ipan ni teposxayak?amochtli tlen Kaltekichiwan toohkayotl tlen ?ahkeyawantin motekitlahtlanilyah wan ki?ixnextiseh ?inin?amatekih.

?amochtli ?expan Tlasekotilistli wan ?amatlasentilistli tlen motitlanis

Tlanawatili 10

Kemah tlankiya ni ?axtowitl tekittl tlen kanpa mo?ama?ihkwilowah, sesen ?amatlahtlanilistli mosenkahtiyahki se ?amatlasekotili electronico tlen nochimeh tlakameh tlen motekitlahtlanilyah wan kichihkeh kenihki motlahtlanilyah wan nama motitlanis ?ipan Consejo General wan kemah monekis kititlaniseh ?ininwaya consejos distritales kema kinekih kisenkawaseh tlen consejos municipales electorales.



**¿amochtli nahpan
¿Amatlasekotilistli Tlachilistli**

Tlanawatili 11

Nopa Consejerías electorales tlen Consejo General o tlen nopa consejos distritales, kitlahtlachiliseh nochi nopa ¿amatlasekotilistli tlen kititlantok Secretaría Ejecutiva ¿ipan ni Teposmekayotl; Ni Secretaría Ejecutiva o Secretaría tlen Consejo Distrital, tlen kanpa ¿itechpowi, kisenkawas se ¿amatookayotl tlen ¿ahkeyawantih ¿axtemaktilihkeh kwalli ¿inin¿ama kenihki motlahtlanayah ¿ipan ¿amatlayolmelawalli, wan ki¿amatlaliseh tlachke kinpoloh wan kin¿ixpannextiseh ¿ipan teposxayak¿amochtli tlen Kaltekichiwan nochi nopa folios tlen ¿axtemaktilihkeh kwalli wan ¿axpanokehyok.

¿Amochtli makwilpan

Kitlahtlachiliseh wan kisenkawaseh tekichiwalistli tlen mochiwasneki

Tlanawatili 12

Kemah tlankeh ni tekittl tlen tlahtlachilistli, ni consejerías electorales tlen Consejo General o welis consejos distritales, ki¿ihtoseh tla tlen motekitlahtlanayah temakakehya nochi tlen motlahtlanayah ¿ipan tlayolmelawalli wan nama panoseh ¿ipan seyok tekittl kanpa kintlatsitokaseh wan ki¿ixmatiseh tlen tekichiwah.

¿Ahkeyawantin tlen kwalkisati ¿ipan ni tekittl wahka mo¿ixmatis ¿ipan teposxayak¿amochtli ¿ipan internet, nopano nesis ¿amatoohkayotl.

¿Amochtlanawatili chiwasepan

Kanpa tlatsintokaseh wan kitlahtlachiliseh tla neliya ki¿ixmati tekichiwalistli

Tlanawatili 13

Kanpa tlatsintokiliseh wan kitlahtlachiliseh tla neliya ki¿ixmati tekichiwalistli nihi mochiwas sansehko, wan nikan panotiyaseh nochimeh tlakameh ¿ahkeyawantih motekitlahtlanilah wan temaktilihkeh ¿inin¿ama kenihki ¿eltok ¿ipan tlayolmelawalistli.

Tlatsintokilistli mochiwas virtual ¿ipa teposxakak¿amochtli tlen Teams.

Tlanawatili 14

Tlahtlachilistli tla neliya ki¿ixmati tekichiwali mochihtiyah kenihki ¿eltok ¿ipan ¿inin¿amatekichiwal tlen temaktilihkeh sesen tlen motekitlahtlanilah

Tlanawatili 15

Tlatsintokilistli mochiwa panpa moneki mopantis ¿ahkeya neliya welis kiyekanas wan kichiwas tekittl tlen consejos distritales electorales o consejos municipales electorales, kenihki mo¿amatlaltok ¿ipan tlanawatili 22 tlen ni tlanawatilkayotl.



Tlayolmelawaseh ?ipan teposxayak?amochtli official ?ipan internet tlen ni tlatsintokilistli tekitl, momatiltis tonalli, kawitl wan kenihki panotiyaseh sesen.

Tlanawatili 16

Nikan kinmakaseh se calificación wan kitekowiseh nopa ?amatl tlen kitookaxtiya cédula tlen valoración curricular wan tlen tlatsintokilistli.

Tlanawatili 17

Kemah mochiwas nopa tlatsintokilistli mochiwas ?ipan ?eyitekichiwalli, wan ?ipan seseh tekinechikoli ?itstoseh ?omah consejerías electorales. Wan tla, ?ipan nopa tonal kema mochiwas tlatsintokilistli ?itstos setsin consejería electoral, wahka mochiwas nochi ?i?ixtla.

Se tlatsintokilistli wehkawas senpowaltsin kwawitsitsin, kehnopa panotiyaseh.

Tlanawatili 18

Tla tihneki ti?itstos ?ipan ni tlatsintokilistli moneki ti?asiti nopeka makwilli kawitsitsin kema sanok pewas ni tlayolmelawalli mitsmatiltiseh ?ipan teposmekayotl, nihi mochiwas ?ipan teposmekatl videoconferencia ?ipan Teams.

Tlanawatili 19

Tlakatl tlen ?axkan ?asis ?ipan nopa kawitl tlen tlatsintokilistli, ?ayo welis panos, wan yon ?axwelis ?elis consejería distrital electoral o se consejería municipal electoral.

Tlanawatili 20

Kemah tlankiya ni tekitl, monekis motematiltis ?ipan teposxayak?amochtli tlen ni kaltekichiwalli, nopa folios tlen ?ahkeyawantih ?axpanokeh ?ipan ni tekitl.

?Amochtli chikomepan Mosekotilis wan moxitlawas tlen motekiwaseh.

Tlanawatili 21

Tlen mosenkahki ?ipan ni tekitl, kanpa tlapalewihkeh consejeras electorales tlen ni kaltlayekanalli, ni consejera tlayekanketl kinyolmatiltis nochimeh tlen ?itstokeh ?ipan Consejo General, tla kikwalmatih ma mokawakah kenihki consejerías, moneki ?eliseh senpowalmeh consejos distritales electorales, wan consejos municipales electorales tlen Guadalajara, San Pedro Tlaquepaque, Tlajomulco tlen Zuñiga, Tonalá wan Zapopan kiyekanaseh Tekichiwalistli Electoral Local Concurrente 2023-2024.

Wan nohkiya, nochi tlen mosenkatiwalahki ?ipan nopa sekih tekitl, kanpa nohkiya tlapalewihkeh nopa consejerías electorales tlen Consejo Distrital tlen ?itechpowi, tekitiketl ?ahkeya tlayekanas



ya kintlahtlanilis nochimeh tlen Consejo Distrital, nopa ?amatlasenkwalli kanpa kintekimakaseh tlen consejerías ?ahkeyawantih ?itstoseh ?ipan consejos municipales electorales tlen mokawah.

Kenihki kintekimakaseh tlen consejerías ?ahkeyawantih ?itstoseh ?ipan consejos distritales wan municipales monekis motlachilis ma sanse tlatepanilistli wan tlayehyekoli siwameh wan ?okichmeh, wan nohkiya kenihki nikan mo?amatlaltok ni acciones afirmativas ?ipan ni tlanawatilkayotl wan kenihki nohkiya ?eltok ?ipan tlanawatili 1 tlen ?Amochtlanawatilistli tlen nochi Mexihko ?Altepetlasentilistli.

Wahka kehni, kanpa tichanti moneki nechka mokawas kanpa ?eltok kaltekichiwalli tlen Consejo Distrital o Municipal tlen kanpa motekitlahtlaniya, wan tlen chantih ?ipan Área Metropolitana tlen Guadalajara ?axkintlahtlaniliseh tlen ?itstokeh ?ipan El Salto, Guadalajara, Ixtlahuacán de los Membrillos, Juanacatlán, Zapopan, San Pedro Tlaquepaque, Tlajomulco tlen Zuñiga, Tonalá wan Zapotlanejo²; ?ipan Área Metropolitana tlen Autlán kanpa ?eltok municipio tlen Autlán tlen Navarro, El Grullo wan El Limón³ wan; Área Metropolitana tlen Sur kanpa monepantiya ?iwaya municipios tlen Gómez Farías, Zapotiltic wan Zapotlán el Grande⁴.

Tla ?axmiyakeh tlen motekitlahtlaniya ?ipan se municipio tlen Consejo Municipal, wahka nohkiya welis motlachilis sekihnok tlakameh tlen motekitlahtlaniya tlen chantih ?ipan nopa distrito; wan tla nohkiya tlen motekitlahtlaniya ?axmiyakeh wan kinpolowa kinsentiliseh nopa consejos distritales electorales o consejos municipales electorales tlen ?inintechpowi, wahka monekis motlachilis nochimeh tlen motekitemowah tlen ni estado.

Tlanawatili 22

?Amatlasenkawalli kanpa mo?amatlalis ?ahkeyawantin mokawaseh cosejerías distritales wan municipales electorales, monekis motlahtlachilis ni sekih tlamantli:

- Paridad de género.
- Pluralidad cultural de la entidad.
- Participación comunitaria o ciudadana.
- Prestigio público y profesional.
- Compromiso democrático.
- Conocimiento de la materia electoral.
- Igualdad y no discriminación.

Kenihki momachilis ni tlahtolli tlen ?onmopohki:

² <https://periodicooficial.jalisco.gob.mx/sites/periodicooficial.jalisco.gob.mx/files/08-22-15-v.pdf>

³ <https://periodicooficial.jalisco.gob.mx/sites/periodicooficial.jalisco.gob.mx/files/10-09-14-iii.pdf>

⁴ https://periodicooficial.jalisco.gob.mx/sites/periodicooficial.jalisco.gob.mx/files/10-09-14-iv_.pdf



- a) Kanpa mo[?]ihtowa paridad de genero, ki[?]ihtosneki siwatl [?]iwaya [?]okichtli ma kipiayah san se tlatepanilistli ma kitemokah wan ma momapalewikah sansehko kisenkahtiyaseh tekichiwalistli kanpa motlepanitaseh, momalwiseh, momomkwitlawiseh kanpa sansehko weliseh kipiayah tekitl wan ma kitlepanita nochi nopa tlakatlatchepowilistli, ma [?]ixpoliwi tlapinawalistli, tla[?]iyokachiwalistli [?]ika siwameh wan [?]okichmeh [?]ipan política wan pública [?]ipan ni Mexihkotlaalli.
- b) Tlen nopa pluralidad cultural, ki[?]ihtosneki ma motlepanita nochi meniliskayotl tlen nechikolnemilistli kanpa motlepanitas nochi tlayekanalistli, tlanetokilistli wan ma timo[?]i[?]taha ti[?]itstokeh [?]ipan sanse [?]Altepetlaalli.
- c) Kenihki momachilis participación comunitaria o ciudadana, ki[?]ihtosneki ma tik[?]ixmatikah ma titlachiyakah [?]onka sekihnok nechikolnemilistli kenihki moyekana wan welis nohkiya timixkwiseh wan techpalewihtiyas sansehko tipankisaseh wan tihkwaltlalihtiyaseh kanpa tik[?]i[?]tah techpolowayok.
- d) Tlen ki[?]ihtosneki prestigio público wan profesional nihi tihmachilikah kenihki moneki motlepan[?]i[?]tas se tlakatl tlen melawak tekichiwa [?]ika [?]i[?]altepetl, [?]ichinanko, [?]imasewalpojowah, kanpa tlen kichiwa moneki mo[?]ixmati wan ma techyekana nochimeh.
- e) Wan tlen nopa compromiso democrático, ki[?]ihtosneki ma sansehko titlapalewikah [?]ika totlahlamikilis, tlen totlamachtilis, ma [?]ixnesi [?]ipan tonemilis ma titekowikah [?]ika tihtsontalanaseh tonemilis, kanpa tihpiyaseh tlen tihtemowa, ti[?]itstoseh [?]ika yolchikawalistli, kanpa timo[?]ikneliseh wan sansehko timomokwitlawiseh kanpa nochimeh titlepanitaseh tlatechpowilistli civiles, politicos, económicos, sociales wan culturales, wan ma motlachili [?]ipan ni tlayekanalistli Sistema democrático, mo[?]ihtosneki, kanpa sanse topatih, tlen tiwelih tihchiwaseh, [?]onka miyak nemiliskayotl wan [?]onka tlatepanilistli.
- f) Tlen ni materia electoral, ki[?]ihtosneki kanpa weliseh timokakiliseh, kanpa motokilis melawak kenihki [?]eltok [?]ipan [?]amochtlanawatiliskayotl wan tlanawatilistli tlen ni tekitl, nohkiya moneki timomachtihitos o tik[?]ixmahtos, tihpiyas tlachiyalistli kenihki mochiwa se elección, kenihki mosenkawa se organo colegiado.
- g) Tlen nopa igualdad wan no discriminación, moneki motlachilis tlanawatilistli 1 tlen ni [?]Amochtlanawatilistli tlen nochi Mexihko [?]Altepetlasentilistli kanpa tlakotona nochi tlapinawalistli [?]ika masewalwayotl, tlakayotl, [?]axkwalli tlakayotl o sekihnok tlamantli kanpa [?]ixpano tlakayonemilistli wan kinekis ki[?]ixpanos tleweli tlatechpowilistli wan mahawayotl tlen tlakameh; nochi ni tekitl mochiwas [?]ika se kwalli tlaneltokilistli interculturalidad wan tlen tlakatlatchepowilistli kense política tlen motlahkotlaliya wan moneki mokahtiyas ken se tekichiwalli tlen estado, nohkiya moneki motlachiltiyas nopa



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

acciones afirmativas tlen kichikeh ?ika telpokameh; tlakameh tlen ?axkwalli ?inintlakayo, tlakameh tlen LGBTTTIQ+ wan masewaltlakameh, wan tlen ki?ihtosneki.

- Telpokatl tlakatl ki?ihtosneki ?ahkeya kema ?onkas elección tlapehpenalistli ya ki?axitihtosa kaxtolli wan ?eyi xiwitl wan noha kipiya ?omekaxtolli wan makwilli xiwitl.
- Tlakatl ?axkwalli ?itlakayo ki?ihtosneki se tlakatl tlen kipolowa se tlahki ?ipan ?itlakayo o ?axmoskati nochi, panpa momahkiya o panpa mochiwilihtok; ?axweli ki?oliniya se tlamantli tlen ?itlakayo, ?iwehkapanka, ?itlalamihkayo, wahka nochi nihi wan sekihno tlamantli ?axkikawiliyah ma moskalti ?ipa nemilistli kanpa nochimeh moskaltiyah, welis nihi ni ?axkema ?ixpolowis⁵ wan kemantsin welis kipanós nihi:
 - Discapacidad auditiva: ki?ihtosneki panpa tsaktok kanpa kalaki tlakakilistli welis se tlahki ?axkwalli ?inakas?ihtik o kalteno, o panpa ?inakastlahtik mo?ihtlakohtok wan yeka kichiwalitiya ?axtlakaki.
 - Discapacidad intelectual: Kema ?ipan ?itlahlamikayo ?axsenka kwalli ?eltok. Nihi pano o mochiwa kema tlakati konetsitsin, kemantika se kokolistli kin?asi tenameh, kemantsin momawa o kema tlakatih tlawel seltsitsin wahka sekih ?axkwalli mokawa ?ipan ?itlahlamihkayo wan ?axweli ?iselti kichiwa se tlamantli ?ichan, tlamachtilpan o tekipan.
 - Discapacidad neuromotora: Ki?ihtosneki mo?ixmati ken se kokolistli tlen kinpano wan ki?ihtlakowa ?ipan sistema nervioso tlen tlahtlahko, ?itehteno o ?ompamitl wan nohkiya ki?ahasi sistema músculo esquelético;
 - Discapacidad visual: Nihi ni kema ?axweliyok titlachiyas senka kwalli kema mits?ixpahtiyah o mits?ixtehtekih, wan san weli titlachiyas se 20/60 ?ika tla?awilli, wan ?ika wehka san welis titlachiyas se 10° (matlaktli grados) wan motlachiyalis mitspalewihtok tihpankixtis motekih; wan,
 - Discapacidad por trastorno mental: Se kokolistli tlen wehkawa wan tlen ?ahkeyawantin kinmelahtok moneki ma kintlachiltinemikah, ma kinmokwitlawikah panpa ?axwelih ?ininsehtih ?itstoseh ?ininwaya se ?inite?ixmatkawah, kaltlamachtiloyan wan tekipan.
- Tlakameh tlen nechikolistli LGBTTTIQ+: Ni tlakameh ni kinekih, kimachiliyah, ki?ahwiyamatih wan nohkiya mopechiyah ?ika tlakameh tlen sanse ?ininsiwapoyo o ?inin?okichyo sekih ?ome tlamantli kinpaktiya. Wan nohkiya ?yawantihya motokaxtiyah wan mo?ixmatih kipiya seyok nemilistlakayotl tlen ka ?ika tlakatkeh.

⁵ Norma Oficial Mexicana NOM-173-SSA1_1998 para la atención integral a personas con discapacidad. Comisión Nacional de Derechos Humanos, consultable en: [NOM_173_SSA1_1998.pdf \(cndh.org.mx\)](https://www.cndh.org.mx/NOM_173_SSA1_1998.pdf)



- Nopa kamanali sexo moʔixmati kenihki moʔixmati se tlakayotl tlen siwatl o ʔokichtli, tlachke kipiya se wan seyok wan nohkiya ʔitstokeh sekih tlen kipiya ʔompamitl tlakayotl maske ʔaxniman nesi; wan nopa kamanalli género nopa tlahtolli kanpa kamatih miyakeh kenihki mitsʔiʔtaseh, kenihki timonemiltiya, kenihki se nechikolnemilistli monehenmiltiya wan nohkiya motlachiliya ʔika sexo, wahka nopa ʔixnesih tlakameh tlen motookaxtiya o moʔixmatih lesbianas, gays, bisexuales, transgénero, transexuales, travesti, intersexuales, queer wan ʔax binarias.
- Kenihki moʔixmatis se masewalli tlakatl, nopa ʔahkeya ya ʔewa wan ʔitstok ʔininwaya ʔininchinanko o seyok masewalnechikolli wan nohka kitekowiya tlen ʔimasewalwayo.

Tlen motekitlahtlaniliyah tlakameh ʔahkeyawantin ʔtstokeh ʔipa nechikolistli tlen tlawel tlaxikowah o nochipa kinʔixpinahtitokeh, maske nopa tlakatl ʔixnesi ʔipan sekihno nechikolistli, wan kinekiseh kitekowiseh nopa acciones afirmativas, nikan san motlachilis san se nechikolistli. Wan kanpa moneltokilis tlen kiʔihtowan san ma tematilti se ʔamatlasenkawalli kanpa kiʔihtos ʔika melawak ya ʔitstok ʔipan nopa nechikolistli tlen tlaxikowaneh o tlen nochipa kinʔixpanotokeh, wan moneki kipanoltis ʔipan nopa ʔama tlen kimaktilis ni kaltekichiwani.

Tlanawatili 23.

Tlasenkawalistli tlen Consejos Distritales

1. Kintekikawaseh siwameh wan ʔokichmeh ʔipan consejos distritales.
 - a) Kenihki sesen mokwaltlaltihas ni consejos distritales moneki ʔixnesis paritaria (siwatl wan ʔokichtli), tikʔihtoseh, se consejo distrital moneki kipihas ma monechkawi 50% tlen tlakameh tlen género femenino. Wahka ʔipan sekih consejos distritales ʔitstoseh 3 tlakameh tlen género masculino wan 4 tlen femenino wan sekihnok 3 tlakameh tlen género femenino wan 4 tlen masculino, wan kema monechikos nochi nopa 20 distritos ma ʔixnesis tlahko siwameh wan tlahko ʔokichmeh, tikʔihtoseh, 70 tlen género femenino wan 70 tlen género masculino.
 - c) Tlen nopa senpowalmeh kaltlayekananeh monekis ma tlayekanaseh, tlahko tlen género femenino.
2. Tlanawatilistli tlen kitemowa ma sanse ʔipatiyo ma kipiayah siwameh wan ʔokichmeh.
 - a) Moneki ma mokawas, maske setsin, se telpokatl o ʔichpokatl ʔipan sesen consejo distrital.
 - b) Moneki ma mokawas, nopeka se eyi tlakameh tlen ʔaxkwalli ʔinintlakayo ʔipan se distrito.
 - c) Moneki ma mokawas, maske setsin tlakatl tlen nechikolistli LGBTTTIQ+ ʔipan se distrito.
 - d) Moneki ma mokawas, maske setsin se masewalli tlakatl ʔipan nopa consejos distritales 1 wan 18.



Tlanawatili 24

Tlasenkawalistli tlen Consejos municipales.

1. Kintekikawaseh siwameh wan ?okichmeh ?ipan consejos municipales.
 - a) Kenihki sesen mokwaltlalihtiyas ni consejos municipales moneki ?ixnesis paritaria (siwatl wan ?okichtli), tik?ihtoseh, se consejo distrital moneki kipiyan ma monechkawi 50% tlen tlakameh tlen género femenino.
 - b) Tlen nopa kaltlayekananeh tlen consejos municipales tlen nochi ?itechpowi, ?ipan sesen Consejo Distrital, monekis ma tlayekanaseh, tlahko tlen género femenino.
2. Tlanawatilistli tlen kitemowa ma sanse tlatepanilistli ma kipiyan siwameh wan ?okichmeh.
 - a) Moneki ma mokawas, maske setsin, se telpokatl o ?ichpokatl ?ipan sesen consejo distrital.
 - b) Moneki ma mokawas, maske setsin, se tlakatl tlen ?axkwalli ?itlakayo wan se tlakatl tlen tlanekikolistli LGBTTTIQ+ ?ipan se tlasentilistli tlen nopa consejos municipales tlen motlatskilihtok ?ipan sesen distrito electoral, tik?ihtos, sesen Consejo Distrital kitekimakas, ?ipan nochi nopa consejerías municipales tlen ?initechpowi, se?ome tlakameh tlen mopantiyah ?ipan ni nechikoltlaxikolli.
 - c) Moneki ma mokawas, maske setsin se masewalli tlakatl ?ipan sesen tlen nopa 5 municipios kanpa miyakeh ?itstokeh masewalmeh.

Tlanawatili 25

Tlasenkawalistli tlen Consejos municipales kanpa ?onka sekihok distritos panpa monepantiyah.

1. Kintekikawaseh siwameh wan ?okichmeh ?ipan consejos municipales.
 - a) Kenihki sesen mokwaltlalihtiyas ni consejos municipales moneki ?ixnesis paritaria (siwatl wan ?okichtli),, tik?ihtoseh, se consejo municipal moneki kipiyan ma monechkawi 50% tlen tlakameh tlen género femenino.
 - b) Tlen nopa kaltlayekananeh, monekis ma tlayekanaseh, tlahko tlen género femenino.
2. Tlanawatilistli tlen kitemowa ma sanse ?ipatiyo ma kipiyan siwameh wan ?okichmeh.
 - a) Moneki ma mokawas, maske setsin, se telpokatl o ?ichpokatl ?ipan sesen consejo distrital.
3. Kemah kintekikawaseh tlakameh tlen ?axkwalli ?itlakayo wan masewalli tlakatl wan tlakatl tlen tlanekikolistli LGBTTTIQ+
 - a) Moneki ma mokawas, maske setsin, se tlakatl tlen ?axkwalli ?itlakayo, 1 masewalli tlakatl wan se tlakatl tlen tlanekikolistli LGBTTTIQ+ ?ipan sehe tlen nopa makwilli consejos municipales tlen kipiya mas distritos ?ipan ?inintlaaltekichiwal.

Tlanawatili 26



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

Tikʔihtoseh mochihiya nochi nopa tekitl tlen tekitlapehpenalistli wan ʔaxʔonka yonse tlen kinekis kitekowis nopa acción afirmativa, ni nechikoltlayekanketl o nopa Consejos Distritales kisenkawaseh ʔika tlen kipixtohkeya ʔininmako wan ʔayo welisok kitlachiliseyoh yonse acción afirmativa.

Tlanawatili 27

Tekitlasenkawalistli tlen consejerías distritales wan municipales electorales moneki mosenkawas, maske pilkentsin, ʔika makwilli voto tlen nopa consejerías ʔahkeyawantin ʔitstokeh ʔipan Consejo General o Consejo Distrital, tlen ʔinintechpowi.

Tlanawatili 28

Tlakameh tlen kintekimakaseh ʔipan consejerías distritales o municipales electorales kinyolmelawaseh ʔika nopa teposmeka Sistema, kenihki moʔamatlaltok ʔipan tlanawatili 8 tlen ni ʔamatlanawatilkayotl, wan monekis temaktiliseh nochi ʔamatl tlen melawak original ʔipan tonalli kenihki kinyolmelawaseh.

Tla ʔaxtematiltis nopa ʔamatl tlen original kenihki kintlahtlanilihkeh ʔipan Sistema wan ʔipan tonalli ʔika kiselis nopa tekitl tlen consejería distrital o municipal electoral, wanka ʔayo welis kiselis ni tekitl, wan nopa consejería suplente ya kiselis nopa tekitl.

Tlanawatili 29

Tla ʔaxmosenkawas tekitl tlen se tlakatl, ni consejera o consejero tlayekanketl monekis kinextis seyok tekitiketl tlen kipanok nochi tlayehyekolli kanpa kintlapehpenihkeh.

ʔAmochtli chikweyipān Tlaʔahaxitili Tlanawatilli

Tlanawatili 30

Tekitemaktilistli tlen consejos municipales electorales kenihki ʔeltok ʔipan tlanawatili 22 moneki momatiltis wan mosenkawas ʔika nochimeh tlen Consejo Distrital Electoral tlen ʔitechpowi, wan motokilis kenihki ʔeltok ʔipan tlanawatilkayotl.

Tlanawatili 31

Kema motsakwasa ni tlayolmelawalli wan mosekohtilihtiyasa tlen ni consejos municipales electorales, ni Secretaria Ejecutiva kinkawilis ma kalakikah ʔipan Sistema nopa consejos distritales electorales wan ni Consejo Distrital tlen ʔitechpowi, ma kitlahtlachili nochi ʔamatl tlen temaktilihkeh ʔahkeyawantih motekitlahtlaniyaya ʔika consejerías municipales electorales.

ʔipan nopa senpowalli wan nawi kawitl kema panohka nopa ʔamatlachilistli tlen ʔamatlasekotilistli, nopa Consejo Distrital Electoral tlen ʔitechpowi kitlatitlanilis nopa Secretaría Ejecutiva, se ʔamatookayotl ʔika folios tlen nochimeh tlakameh tlen kwalkiskeh ʔipan ni tlayolmelawalli, wan ʔino ma momatilti ʔipan teposxayakʔamochtli oficial ʔipan ʔinternet.



¿Ihkino, ni Consejo Distrital tlen ¿itechpowi tetlatitlanilis, kiyolmelahtosa ni Secretaría Ejecutiva, tonalli, kawitl wan tlanawatili kema mochiwas tlatsintokilistli, wan ¿ihkino welisa momatiltis nochi tlamantli ¿ipan teposxayak¿amochtli oficial ¿ipan internet.

Tlanawatili 32

Tla ¿ahkaya kinekis temaktilis ¿amatl ¿ipan seyok tekichiwalistli desconcentrado, nihi moneki kimatiltis ¿ahkeya motlahtlaniya, ki¿ilwis nopa ¿amatlalilistli mochiwa san ¿ipan nopa Sistema.

Tlanawatili 33

Nopa ¿amatlasenkawalli tlen nikan mo¿ixtonki ¿ipan tlanawatili 3 wan 16 mopiwiya ni sekih tlanawatilistli panpa nohkiya san se ¿ipatih.

Tlanawatili 34

Tlamantli tlen ¿axmotlachili panos ¿ipan ni ¿Amatlanawatilkayotl mosenkawa ¿iwaya Consejo General, kenihki yawantin kimatih tlasenkawaseh.

PANONI

SETSIN. Ni ¿amatlanawatilistli pewas tekichiwas kemah mosenkawas ¿ika Consejo General tlen Instituto Electoral wan tlen Participación Ciudadana tlen Estado tlen Xal¿ixko.

